

1 ZON

Khe Zon Fharav Khergi Gap

Khe fharav ganinga buni khare.

Zon ndikndiga mpuani ga nzuav kha gava khergi. Zon khuen vuzvugiap, kha gava khergi. Ana Zisas khotigap ana zin vui gumgi gu mbigir kurarim, mbe Fhe Bakime phorgiv ndava bavira kiv, vhira ana Kam Zisas Kraiss phorgip ndava bavira kirga. Ana vhira khuen vuzvugi fhuvara. Mba Zisas khotigap ana zin vui gumgi gu mbigi, mbe fhura mba ndava vurar ki gumgi gu mbigi ganirim, mbe mbe guiguigip, mbe ngirim, mbe Fhe Bakime thamthargane, ana ne thagi.

Mba ndava vurar ki gumgi gu mbigi, mbe khan nzuai, “Kha nuianan ki bigi, nta nzerigi fhuvara.” Mbe ne nzuav khan nzuai, “Maan muungip, Zisas, ana Fhe Bakimen Kam ma. Ana maan muungim, ana ram muungip kha nuiana guma ga gegip, nza kha nuianan ki gumgi gu mbigi mbui bigi, ana nta muunrie?” Mbe maan nzuav vhira khan nzuai, “Guma nzerara Fhe Bakime phorgip kir sanv, ana kha nuiana bigi ga ndikndigi thari. Kha bigina phuni vhira, tivar vhuun gum ndavar harigi gumgi gu mbigi ga ndii tiv, mba tivani, ni vhira kha nuianan tivani ma. Maan muungip, nde kha khesharigi tivi, nde pim nta ndikndigip, nta zin ngi thari.” Kha nuianan ndava vurar ki gumgi gu mbigi, mbe maan nzuai.

Mbe maan nzuaim, Zon khuen vuzvugi, mba Zisas kothigap ana zin vui gumgi, mbe khuarar mbe nzuai ndikndigi mbatigi ga rigi thari. Ana ne nzuav khan mbe nzuai, “Zisas guigira guma guara gegap, kha nuianan higi. Nde guigira Zisas kothigap ana zin vui gumgi gu mbigi, nde guigira wo ndavir Fhe Bakimen niingip, vhira wo ndavir harigi gumgi gu mbigir niingiri.”

Nza vhava naaarar kav anan naara rui gumgi gu mbigi, nza fhura mba ginginan ki gumgi gu mbigi ganirim, mbe nza guiguigi thari.

Nza Fhe Bakime khan nzuai guma “Ana Fhe Bakime zazera mbara muungiap ki biingbiing ndi ndii kamen ma.” Nza ana garim, ana nzan han zergim.

¹ Nza Fhe Bakime bun nzuav khan nzuai guma, “Ana Fhe Bakime zazera mbara muungiap ki biingbiing ndi ndii kamen ma.” Ana maan nzuai guma, ana fhum guarara ki guma ma. Nza ana buni mbararav, nza vhira wari won ringira ana gangi. Nza ana garav, nza vhira ana fhavar suirigi.

² Mba guma, ana nzan han zergim, nza ana gangiap, ana bun nzuai. Nza kha bun nde nzuai guma, ana zazera mbara muungiap ki biingbiing ndi ndii guma ma. Mba guma ana fhum Fhe Bakime han Hevenan kegap, kirar higim, nza ana gangiap ana bun nde nzuai.

³ Nza ana gangiap, ana nzuai buni mbararagiap, nta bun nde nzuai, nde vhira nza phorgiv ndava bavira kirga. Nza Fhe Bakime phorgap ndava bavira kav, nza vhira ana Kam Zisas Krai, phorgap ndava bavira ki.

⁴ Nza kha buni kherav, nta bun nde nzuai, nde nza phorgip, nza guigira ndikndiga mbatigar muunga.

Nza vhava njaarar rurga.

⁵ Nza ana suanjı buni, nza nta mbararagiap, nta bun nde nzuai. Mba buni khan nzuai, Fhe Bakime, ana vhava njaar bakime fara muungim, bigina mpıga thuen anan ki fhu.

⁶ Nza maanj muungip khan suanga, “Gu ana phorga ndava bavira ki.” Nza maanj suanj, nza ndava vura tıvi khıgıra kirga, nza gıngınara ki. Nza nzuai kamej, ne guıgi kamej ma. Nza guıgıra buni guarı zın vui fhuvara.

⁷ Zisas, ana vhava njaarar ki. Nza maanj muungip vhava njaarar kirga, nzan tıvi vhıra ngarav kirga, nza vhıra ana fara muungiap vhava njaarar ki. Nza vhıra Fhe Bakime zın vui gumgi gu mbıgi phorga ndava bavira ki. Nza wari tıgıp ndava bavira kirga, anan Kama Zisas Krai vızın, nza mbui tıvi mbatıgi ruai, nza ngarav ki.

⁸ Nza maanj muungip khan suanga, “Nza tıvi mbatıgi ga mbui fhu.” Nza maanj nzuai, nza nd-

1:3 Zo 17.21; FG 4.20; 1 Ko 1.9; 1 Zo 2.24 **1:4** Zo 15.11; 16.24; 2 Zo 1.12 **1:5** Zo 1.9; 9.5; 12.35-36; 1 T 6.16; Ze 1.17; 1 Zo 3.11 **1:6** 2 Ko 6.14; 1 Zo 2.4 **1:7** Ais 2.5; Zo 3.21; Ef 1.7; Hi 9.14; 1 Pi 1.19; VB 1.5; 7.14 **1:8** Jop 9.2; Sng 32.5; Snd 28.13; Ze 3.2; 1 Zo 2.4

uarira wari ga shikshigi, buni guari nzan ndavi vherir ki fhuvara.

⁹ Nza mba suambarar muunḡ thav, nza wari wo muunḡi tivḡ mbatigi bun suanga, Fhe Bakime muun za suanḡi kameḡ, ana mba tivar nzan muunga. Ana tivar vhuunḡra nzan muunḡ, nza fhum muunḡi tivḡ mbatigi, ana za nta vhiḡgip, nta ndikndik ḡangirga. Ana nta ndikndik ḡangip, nzan kurarim, nza ḡgararga.

¹⁰ Nza maanḡ muunḡip khaḡ suanga, “Gu tiva mbatiga thuenḡ muunḡi fhu.” Nza mba suambara mbui, nza khaḡ Fhe Bakime nzuai, ana guiguigi guma ma. Nza mba suambara mbui, Fhe Bakime buni vhuunḡ nza ndavi vherir ki fhuvara. ^a

2

Krais, ana nzan Kurkurigi Guma ma.

¹ Nde nan tari, gu kha buni khergiap, nde ndi mbai. Nde nta gangip, tivḡ mbatigir muunga fhu. Nde maanḡ muunḡip, nde the tiva mbatiga thuen muunḡip, nde khuenḡ kanḡiri, nzan kurkure ki, ana Fhe Bakime han ki. Ana Zisas Krais, ana Tivir Vhuunḡra Mbui Guma ma.

² Ana nduara nzan tivḡ mbatigi vhiḡirga ḡaara muunḡi. Ana vhiḡa nzara kurkura zav mba ḡaara muunḡi fhuvara. Ana vhiḡa za kha nuianan ki gumgi gu mbigir kurkurav, vhiḡa mbe tivḡ mbatigi

1:9 Sng 51.2; Snd 28.13; 1 Zo 1.7 **1:10** 1 Zo 1.8 **a 1:10** Fhe Bakime buni vhuunḡ ki gavar ḡanin vhirvera kha kameḡ ki. Kha nuianan ki gumgi gu mbigi, mbe za tivḡ mbatigi ga muunḡi. Buk Song 16.3 ganiv, Aisaia 53.6 ganiv, 64.6 ganiri. **2:1** Ro 8.34; 1 T 2.5; Hi 7.25; 9.24 **2:2** Zo 1.29; 11.52; Ro 3.25; 2 Ko 5.18; Kor 1.20; 1 Zo 4.10; 4.14

vhizi zav, mba njaara muunji. Ana mba njaara mbuav, ringiap, nza muunji tivi mbatigi vhezim, nza Fhe Bakime phorgap ndava bavira ki.

Guma guigira Fhe Bakime kanjiap, ana Fhe Bakime nzuai tivi zin vui.

³ Nza Fhe Bakime suanji tivi, nza nta zin ngirga, nza wari kanji, nza guigira ana kanji.

⁴ Maan muungip, guma the khan suanga, “Gu guigira Fhe Bakime kanji,” ana maan suanjv, ana Fhe Bakime suanji tivi zin vui fhu, mba guma, ana bigi shikshigi guma ma. Ana maan suanjv, ana Fhe Bakime suanji tivi zin vui fhu, mba guma, ana bigi shikshigi guma ma. Fhe Bakime buni guari ana ndava vhen ki fhuvara.

⁵ Guma the maan muungip Fhe Bakimen buni vhuinj zin ngirga, mba guma, ana nza won Ndia Fhe Bakime, ana guigira won ndavar kha nuianan ki gumgi ga niingiap, guigira mbe vuzvugi tiva kanji. Guma the mba tivar muunga, mba guma guigira Fhe Bakime phorga havhargi.

⁶ Maan muungip guma the khan suanga, “Gu Fhe Bakime phorga havhargi.” Mba guma maan nzuai, ana guigira Zisas ruigi rurur muunjri.

⁷ Nde nan kivntogi, gu kha khergiap, nde ndi mbai tiv, ana tivar kamej fhuvara. Ana fhum ki tiva vur ma. Nde fhara guarara, nde Zisas kothigap, nde mba tiven kanji. Kha tiva

vur fhum mba kaman vhuuej suangim, nde ne mbararagiap, ne kanji. a

⁸ Kha tiv, gu ana khergiap nde ndi mbai, ana vhira tivar kamenj ma. Zisas mba kiri tiva muungji, nde vhira mba kiri tiva mbui. Nza maanj muungjiap kanji, mba tiv, ana guigira tiva guar ma. Ne khan muungji, maanj vhezir za mbuim, ntige vhava njara guar higa shirigi.

⁹ Maanj muungji, guma the khan suanga, “Gu vhava njaraar ki.” Ana maanj suanj, ana guigira wo ndavar ana phorga guigira Zisas kothigi guma ga ndii fhu, ana vhava njaraar ki fhuvara, ana ginginan ki.

¹⁰ Guma won ndavar guigira Zisas kothigap ana zin vui guma ga ndii, mba guma, ana vhava njaraar ki guma ma. Ana vhava njaraar ki, bigin the ana so darim, ana rigirga tukti fhuvara.

¹¹ Maanj muungji, guma thevi Zisas kothigap ana zin vui guma the vuzvugirga fhu, mba guma, ana ginginan ki. Ana ginginan kav, ana ginginara ruav, ana wo vui tuav kanji fhuvara. Mba maanj gingin anan rimani vharigi.

¹²⁻¹⁴ Nde nan tari, Fhe Bakime Krai zin panan

a **2:7** Zon mba Zisas Zon sapta 13 ves 34 suangji tiv, ana ana nzuai. Mba tiv khan nzuai, “Nde bevbevira, nde guigira wari wo ndavir harigi ntirir niri.” Ndu 1 Zon sapta 3 ves 23 ganiri. Mbe fhum guarara mbe Zisas zin panan ruagiap, mbe mba tiva ndigi. Maanj muungjiap, mba tiv, ana mben tiva vur ma. Zisas nduara khan mba tiva nzuai, ana tivar kam ma. Ves 8, ana khan nzuai, ana vhira tivar kam ma. **2:8** Zo 1.9; 8.12; 13.34; Ro 13.12; Ef 5.8; 1 Te 5.5; 5.8

2:9 1 Ko 13.2; 2 Pi 1.9; 1 Zo 3.10; 3.14-15; 4.20 **2:10** Zo 11.9; Ro 14.13; 2 Pi 1.10; 1 Zo 3.14 **2:11** Zo 11.10; 12.35 **2:12-14** Ru 24.47; FG 4.12; 13.38; 1 Ko 6.11; 1 Zo 1.7 **2:12-14** 1 Zo 1.1 **2:12-14** Ef 6.10

nde fhum muunġi tivi mbatigi, ana nta vhezgiap, nta ndikndik nangi. Gu maan muunġiap kha buni khergiap, nde ndi mbai.

Nde nan ndegi, nde mba fhum ki guma, nde ana kanġi, ana ntige mbara muunġiap khar ki. Gu maan muunġiap kha buni khergiap, nde ndi mbai.

Nde gumgir nkaa, nde Satan daanġia mbur khingi. Gu maan muunġiap kha buni khergiap, nde ndi mbai.

Nde nan tari, nde nza won Ndia Fhe Bakime kanġi. Gu maan muunġiap kha buni khergiap, nde ndi mbai.

Nde nan ndegi, nde mba fhum ki guma, nde ana kanġi, ana ntige mbara muunġiap khar ki. Gu maan muunġiap kha buni khergiap, nde ndi mbai.

Nde gumgir nkaa, nde khan tiga nkasnkagim, Fhe Bakime buni vhuuin, nta khan tiga havhargiap, nde ndavi vherir kim, nde Satan daanġia mbur khingi. Gu maan muunġiap kha buni khergiap, nde ndi mbai.

Nza wari wo ndavir nuianan tivi mbatigir nin thari.

¹⁵ Nde kha nuianan ki tivi mbatigi, nde ndavir ntan nin, nde vaira kha nuianan ki bigi, nde za ndavir ntan nin thari. Guma kha nuianan ki tivi mbatigi, ana ndavar nta ndii, ana nza won Ndia Fhe Bakime, ana guigira won ndavar kha nuianan ki gumgi ga ninġiap, guigira mbe vuzvugi tiv anan ki fhu.

¹⁶ Nza vaira khuen kanġi, kha nuianan tivi mbatigi, zam nta zin vui gumgi, mbe mbui tivi

khare. Mbe kha nuiana bigi garav, nta nzuav, ndavi khavav, nta nzuav rimgi phara tuav, riiriv wari ziri ndi vun kuamkuagi. Mba tivi, nta nzan Ndia Fhe Bakime han Hevenan kega zergi fhuvara. Nta kha nuianan tivi ma.

¹⁷ Kha nuian zungum vhezgira. Kha nuiana bigi garav, nta nzuav ndavi khavav, rimgi phara tui tivi, nta vhora ana phorgip vhezgira. Maan muungiap, Fhe Bakime nzuai tivi zin vui guma, ana kha nuiana phorgip vhezgira tuktigi fhuvara, ana zazera mbara muungiap kirga.

Krais pana guma higi.

¹⁸ Nde nan tari, Zisas taagi zirirga tuk han mbarigi. Nde fhum Krais pana guma zirga kamen mbararagi. Ntigem anan pana gumgi vhirve hegi. Nza ntigem maan muungiap gangiap, nza kanji, ntige Zisas zirirga tuk han mbarigi.

¹⁹ Nde gani, mba fharav nza phorga kegi gumgi, mbe guigira nza phorgap nza bina bavira ki gumgi fhuvara. Mbe maan muungiap nza thav, vegi. Mbe guigira nza phorgap nza binan ki ntiri fhuvara. Mbe maan muungiap nza bina guara ntiri kake, mbe nza phorgap nza binara kae. Mbe nza thav, vegim, nza maan muungiap tuituigiap kanji, mbe guigira nza bina ntiri fhuvara.

²⁰ Nde Fhe Bakime Guman Njaar Zisas, ana Fhe Bakimen Njina Njaarar nde ninjim, nde zam ana buna guaren kanji.

2:17 Mt 7.21; 1 Ko 7.31; Ze 1.10; 1 Pi 1.24 **2:18** Mt 24.5; 24.24; 2 Te 2.3; 1 T 4.1; Hi 1.2; 1 Pi 4.7; 2 Pi 2.1; 2 Zo 1.7 **2:19** Mt 24.24; Zo 6.37; FG 20.30; 1 Ko 11.19 **2:20** Zo 10.4; FG 3.14; 1 Ko 2.15; 2 Ko 1.21; Hi 1.9; 1 Zo 2.27

21 Gu maan muungiap kha ndikndigar nde mbui fhu, nde Fhe Bakime buna guarenj kakagi. Gu mba ndikndigar nde mbuav, kha buni khergiap, nde ndi mbai fhuvara. Gu khan muungi ne nzuav kha buni khergi. Nde Fhe Bakime buna guarenj, nde ne kanji. Fhe Bakime buna guarenj, ne guigi buna thuenj suangirga tuktigi fhuvara.

22 The mba bigi guiguigi guma? Mba bigi guiguigi guma, ana khan nzuai ne ma, “Zisas, ana Fhe Bakime taagiap wo gumgi gu mbigi ndir zav suangiap farasarigi guma fhuvara.” Mba khesharigi buni nzuai guma, ana kir nzan Ndia Fhe Bakime sav, vhira kir anan Kama segap, khan ana nzuai, “Ana Fhe Bakimen Kam fhuvara.” Ana maan mbuav ana Kraisan pana guma ga gegi. **b**

23 Guma kir Kama segi, ana Fhe Bakime phorgip ndava bavira kegirga tuktigi fhu. Guma Kama khothigi, ana Fhe Bakime phorgip ndava bavira kirga.

Fhe Bakimen Nina Njaar, ana Fhe Bakime buni vhuuin nza khivi.

24 Nde mba fhum mbararagi buna guarenj, nde ne suira havhargiri. Nde maan muungip ne suira havhargirga, nde zazera kha Ndia gu Kama phorgi kirga.

2:22 1 Zo 4.3; 2 Zo 1.7 **b** **2:22** Khan nzuai kamej, “Fhe Bakime taagip kha nuianan ki gumgi gu mbigi ndir zav suangiap farasarigi guma,” mbe Grikin, kaman, mbe kha zitir ana mbui, “Krais.”

2:23 Zo 5.23; 14.7-10; 15.23; 1 Zo 4.15; 5.1; 2 Zo 1.9 **2:24** Zo 14.23; 1 Zo 1.3; 2 Zo 1.6

25 Maan muunjiap, Zisas kha kama havharen nza suanji. Ana zazera mbara muunjiap ki biinbiin nzan niingirga.

26 Gu kha buni kherav, nde guiguigiap, nde ndi pham tuavar mbai gumgi bun nde nzuai.

27 Gu nde kanji, nde Kraiss han Fhe Bakime Njina Naara ndigim, ana nde phorga ki. Maan muunjiap, nde bigin the kakagirim, guma the buni tharir nde suanji nde khivirie? Fhuvara. Fhe Bakime Njina Naar za mba bigir nde khivigi. Ana buni, nta guigira buni guari ma. Nta guiguigi buni fhuvara. Maan muunjiap, Fhe Bakime Njina Naar mba bigi nde khivim, nde nta zin ngip, nde guigira Kraiss phorgi havhargiri.

Nza ntigem Fhe Bakimen tari ki.

28 Ahan, nde nan tari, nde guigira Zisas phorgip havhargiri. Ana zumgum za kirar hirga, nza ana phorgip thigi havhargirga, nza ana niman thivirgen nzuav ndikndigi vhirve muunji mberirga tuktigi fhu.

29 Nde maan muunjiap khuen kanji, Zisas tivir vhuunra mbui guma ma. Nde vhirra khuen kangiri, tivir vhuujan mbui gumgi, mbe Fhe Bakimen tari ma.

3

1 Mbaia, nde ram mbui ndikndiga mbui. Fhe Bakime, ana guigira nza vuzvugiap, guigira won ndavar, nza niingji! Ana guigira won ndavar nza

2:25 Zo 3.15; 6.40; 17.3; 1 Zo 1.2; 5.11 2:27 Zo 14.26; 16.13; Hi 8.10-11; 1 Zo 2.20 2:28 1 Zo 3.2; 4.17 2:29 FG 22.14; 1 Zo 3.7; 3.10 3:1 Zo 1.12; 3.16; 16.3; Ro 8.16; 1 Zo 4.10

niiŋgiap, kha kakaman nzan muunga, nde nan tari ma. Ne guigi guarara, nza Fhe Bakimen tari ma. Kha nuianan tivi zin vui gumgi, nza kaŋgi fhu. Mbe vhira, nza Ndia Fhe Bakime kaŋgi fhu. Mbe nza Ndia Fhe Bakime kaŋgia kake, mbe nza kaŋge.

² Nde nan kivntogi, nza ntige Fhe Bakimen tari ki. Nza zungum ramgi kiri tivar muunrie? Nza tuituigiap ne kaŋgi fhuvara, ne ntigar kirar hirga. Nza khueŋ kaŋgi, Zisas Kraisa, ana zungum guigira kirar higirga, nza guigira ana ganip, nza guigira ana kaŋgip, nza ara farar muungirga.

³ Ntigem ana rarga ki gumgi, mbe nduarira wari won kiri tivi garav, mbe zazera Fhe Bakime niman ngaravra wari ki. Mbe ngarav, Kraisa fara muungiap wari kiri.

⁴ Tivi mbatigi ga mbui guma, ana Fhe Bakime suaŋgi tivi daasui guma ma. Tivi mbatigi, nta Fhe Bakime suaŋgi tivi daasui tiv ma.

⁵ Nde kaŋgi, Zisas ana tivi mbatigi vhiizi zav zergi. Ana tiva mbatiga thueŋ anan ki fhuvara.

⁶ Kraisa phorga ki guma, ana tivi mbatigi ga mbui fhu. Guma tivi mbatigi ga mbui, mba guma, ana Kraisa gangi fhu, ana vhira, ana kaŋgi fhu.

⁷ Nde nan tari, nde tuituigira wari ganiv, kiri. Nde muunv kirim, guma the ziv, nde guigip, nde ndi pham tuavar mbararga. Nde mbarara, tivir vhuuiaŋ mbui guma, ana Fhe Bakime niman, ana

3:2 Ro 8.18; 8.29; 1 Ko 15.49; 2 Ko 3.18; Fi 3.21; Kor 3.4; 2 Pi 1.4
3:4 Ro 4.15; 1 Zo 5.17 **3:5** Ais 53.5-6; 53.11; Zo 1.29; 2 Ko 5.21; 1 T 1.15; Hi 4.15; 1 Pi 2.22-24; 1 Zo 2.2 **3:6** Ro 6.1-2; 6.14; 1 Zo 2.4; 3.9; 4.8; 3 Zo 1.11 **3:7** Ro 2.13; 1 Zo 2.26; 2.29

guman tivar vhuuŋ ma. Ana Kraiŋ fara muuŋgi, ana guman tivar vhuuŋ ma.

⁸ Fhum fhara guarara Fhe Bakime kha nuian gu bigi ga muuŋgi, Satan hiŋap, tiva mbatiga ndi kha nuiana khiŋgiap, zazera tivi mbatigi ga mbui. Maan muuŋgiap guma tivi mbatigi ga mbui, ana Satan guma ma. Satan maan mbuim, Fhe Bakimen Kam, anan ŋaara farfav, ana vharvhara zav zergi.

⁹ Maan muuŋgiap, guma Fhe Bakimen kama gegi, ana tivi mbatigi ga mbui fhu. Fhe Bakimen tivi mba guman ki. Maan muuŋgiap, mba guma tivi mbatigir muuŋgira tuktiŋgi fhu. Ana Fhe Bakimen kam ma.

¹⁰ The Fhe Bakimen kam, the Satanan kam? Nza maan muuŋgiap kaŋgi sanv, nza khaŋ muuŋgiap, gangip, kaŋgira. Guma tivir vhuuian mbui fhu, ana Fhe Bakimen kam fhuvara. Guma wo phor-gap guigira Zisas khotiŋgi gumgi, ana guigira won ndavar mbe ndiiv, tivir vhuuin mbe mbui fhu, ana vhiira Fhe Bakimen kam fhuvara.

Nza guigira wari won ndavir harigi ntiri niŋga.

Zisas guigira won ndavar harigi ntiri niŋga tivar nza khiviŋgi.

¹¹ Nde fhum fhara guarara kha kamen mbararagi. Mba kamen khaŋ nzuai. Nza guigira wari won ndavir harigi ntiri niŋgiri.

12 Nza Kein farar muunɣip ki thari. Ana Satan guma ma, ana maan muunɣiap, nduara won ɲguga shogim, ana rimgi. Ana ram muunɣi ne nzuav won ɲguga shogim, ana rimgi? Ana khueɲ nzuav ana shogim, ana rimgi. Ana ɲguk tiv nzerigi, anan tiv mbatigi. Ana ne nzuav ana shogim, ana rimgi.

13 Nde na phorgap guigira Zisas kothigi gumgi, kha nuiana gumgi maan muunɣip panan nde keɣirim, nde ne suanv ɲgava mbatigar muun thari.

14 Nza khueɲ kanɣi, nza won ndavir wo phorgap Zisas kothigi gumgi ga ndiav, nza kanɣi, nza vhiɣi tuav thagi. Nza zazera mbara muunɣip kirga biɲbiɲ ndirga tuav, nza anan ki. Guma ndavar wo phorga guigira Zisas kothigi gumgi ga ndii fhu, ana riiv, za rimɣiap, za vhiɣi tuavar ki.

15 Guma wo phorgap ana Zisas kothigi guma, ana guigira won ndavar ana niɲgi fhu, ne khaɲ muunɣi, ana mba guma shogim, ana rimgi. Nde khueɲ kanɣi, harigi guma shogim, ana rimgi guma, ana zazera mbara muunɣia ki biɲbiɲ ndi tuavar ki fhuvara.

16 Zisas, ana nduara won tuma fekhɲiap, nzan kurkura zav nza nzuav rimgi. Ana mba tiva muunɣiap, ana guigira won ndavar harigi gumgi ga ndii tivar nza khivigi. Nza maan muunɣiap mba tiva kanɣi. Nza vhira wari wo ntuaa fusuv, nza phorgap guigira Zisas kothigi gumgi, nza mben kurkurarga.

17 Maan muunɣip, guma the kha nuiana bigi kiv,

3:12 Stt 4.8; Hi 11.4; Zu 1.11 **3:13** Mt 5.11-12; Zo 15.18-19; 17.14; 2 T 3.12 **3:14** Zo 5.24; 1 Zo 2.9-11 **3:15** Mt 5.21-22; Ga 5.21; VB 21.8 **3:16** Zo 3.16; 13.1; 15.13; Ro 5.8; Ga 1.4; Ef 5.2; 5.25; 1 Te 2.8
3:17 Lo 15.7; Ru 3.11; 1 Zo 4.20

ana wo phorgap guigira Zisas kothigi guma the ganirim, ana kha nuianan bigi sosuagirga, ana ana gangip, ana korar muungirga fhu, mba guma Fhe Bakime guigira won ndavar gumgi ga niingi tiv anan ki fhu.

¹⁸ Nde nan tari, nde thin kumanin wari won ndavir harigi gumgi ga ndii ne suanj thari. Fhuvara! Nza guigira wari won ndavir mben niingv, guigira mben kurkurari.

Zisas kothigap ana zin vui gumgi, mbe Fhe Bakime niman thivgia havhargiri.

¹⁹⁻²⁰ Nde khuen kangiri, nza guigira wari won ndavir wari phorgap guigira Zisas kothigi gumgi ga ndii, nza guigira buna guarej zin vui. Nza maanj muunga, nzan ndavi tiva mbatiga thuen muungi ne suanjv nza suanga, nza ne suanjv ndikndigi vhirver muunga fhu. Nza Fhe Bakime niman rivirga fhu. Nza kangi, Fhe Bakime za mba bigi kangi. Ana ndikndik, nza ndavi vherir ki ndikndigi, ana za nta kambarigi.

²¹ Nde nan kivntogi, nzan ndavi vheri bigin mbatiga thuen muungi ne nzuav nza nzuai fhu. Nza Fhe Bakime niman, nza thivgia havhargi.

²² Nza maanj muungip bigin the suanjv ana phorgi suanga, ana mba biginan nzan niinga. Ana khan muungiap, nza ana nzuai tivi, nza nta zin vuav, nza ana vuzvugi tivi, nza nta mbui.

3:18 Ro 12.9; Ze 2.15-16; 1 Pi 1.22

3:19-20 Zo 18.37; 1 Zo 1.8

3:21 Hi 4.16; 10.22; 1 Zo 2.28; 4.17

3:22 Sng 34.15; Jer 29.12; Mt

7.8; 21.22; Zo 9.31; 14.13

²³ Ana nzuai tìvi khare. Nza ana Kam Zisas Kraiss khotigip, ana suangi tìvi, nza za nta zin ngip, nza guigira wari won ndavir warir nninga.

²⁴ Maan muungip, guma the Fhe Bakime suangi tìvi zin vui, mba guma, ana Fhe Bakime phorga havhargi. Fhe Bakime vhira mba guma phorga ki. Fhe Bakime won Njina Njaar nza nningi. Nza maan muungiap kanji, Fhe Bakime ana nza phorga ki.

4

Nde njiningir ngari njaari ganiri, nta Fhe Bakime han kega zegi njina o, njiningi mbatigi khar ngari.

¹ Nde nan kivntogi, Fhe Bakime kamthoon gumgir wari guiguigi gumgi vhirve, mbe tamtam kha nuianan rurga. Maan muungip, nden han ziv khan suanga gumgi, “Fhe Bakime Njina Njaar kha kamen na nningi.” Nde za mbe khotivi thari. Nde mbe mbui njaari gu mbe nzuai buni mbararari. Nde maan muunjv, nde kangirga khe Fhe Bakime han kega zigi o, fhuvara.

² Nde Fhe Bakime Njina Njaar gangip, ana hiarga, ne khan muungi. Nde mbarararga khan nzuai guma, “Zisas Kraiss, ana guigira kha nuianan zergap, guma guara gegi.” Maan nzuai guma, Fhe

3:23 Zo 6.29; 13.34; 15.12; 15.17; 17.3; 1 Te 4.9; 1 Pi 4.8; 1 Zo 2.8-10
3:24 Zo 14.23; 15.10; 17.21; Ro 8.9; 1 Zo 4.12-13 **4:1** Mt 7.15;
 24.4-5; 24.24; 1 Te 5.21; 2 Pi 2.1; 1 Zo 2.18; 2 Zo 1.7; VB 2.2 **4:2** 1
 Ko 12.3; 1 Zo 5.1

Bakimen Nina Njaar mba guman vhen ki. ^a

³ Nde maan muunjiap mbarararga, guma mba khesharigi kamen Zisas ga nzuai fhu, mba guma, ana harigi njina ana vhen ki. Mba njina, ana Fhe Bakime han kega zigi fhuvara. Mba njina, ana Kraisan pana guman njina ma. Nde fhum mba guma zirga kamen mbararagi. Ana njina ntige zigap, kha nuianan ki.

⁴ Nde nan tari, nde Fhe Bakime ntiri ma. Nde Fhe Bakime kamthoon gumgir wari guiguigi gumgi, nde mbe daangia mbur khingi. Nde khan muunjiap, nden vhen ki Nina Njaar, ana kha nuiana gumgir vhen ki njina, ana ana kambarigi.

⁵ Mba gumgi, kha nuiana gumgi ma. Maan muunjiap, mbe buni kha nuiana buni ma.

^a **4:2** Zon kha gava khergi tugen, Fhe Bakimen kamthoon gumgir wari ga shikshigi gumgi mbari, mbe fhura guiguigiap Zisas Kraisan tivir gumgi gu mbigi ga nzuav rui. Nza mba gumgi nzua rui buni, nza tuituigia nta kanji fhuvara. Mba bigi kanji gumgi mbari, mbe kha ndikndiga mbui. Mbe khan muungia mba gumgi gu mbigi khivav mbe nzuai. Mbe khan nzuai, “Zisas gu Krai, mani wanira fara muunji fhuvara.” Mbe khan nzuai, “Krai, ana fhum fhum guarara, Fhe Bakime han ki kamen ma.” Ndu Zon 1.1 ganiri. Ana Fhe Bakimen Kam ma. Khuenj guigi guarara, Krai, ana guma guara gegi. Fhe Bakime taagip kha gumgi gu mbigi ndir zav mba njara muunji. Ana Krai farver mba njara muunji. Kha guma Zisas, ana haa nuianan kav mba bigi ga muunjiap, ana zungum rimgi. Ana vhira taagia kha nuianan ki gumgi gu mbigi ndi njara kurigi fhuvara. Mbe maan nzuaim, Zon maan muunjiap khan nzuai, “Mba Fhe Bakime kamthoon gumgir wari ga shishigi gumgi nzuai buni, nta guigira buni guari fhuvara. Zisas Krai ana Fhe Bakimen Kam ma. Ana guma guara gegi. Ana muunji njara, ana njara bavira muunji.” **4:3** 2 Te 2.7; 1 Zo 2.18; 2.22; 2 Zo 1.7 **4:4** Mt 12.29; Zo 16.33; 1 Ko 2.12; Ef 2.2; 6.12; 1 Zo 5.4-5 **4:5** Zo 3.31; 15.19; 17.14

Maan muunjiap, kha nuiana gumgi, mbe buni mbararagi.

⁶ Nza fhuvara, nza Fhe Bakime ntiri ma. Fhe Bakime kanji gumgi, mbe nza nzuai buni mbararagi. Guma, ana Fhe Bakime guma fhu, ana nza nzuai buni mbararagi fhu. Nza maan muunjiap mba tiva ganiv, nza buna guaren nzuai Njina Naar, nza ana hiarga. Nza vhira mba bigi guiguigi njina, nza vhira ana hiarga.

Guma guigira won ndavar Fhe Bakime ndii, ana vhira guigira won ndavar guigira Zisas kothigi gumgir niingiri.

⁷ Nde nan kivntogi, nza guigira warir won ndavir wari niingiri. Nza guigira wari won ndavir wari ga ndii tiv, ana Fhe Bakimen tiv ma. Guma mba tiva zin vui, ana Fhe Bakimen tar ma, ana guigira Fhe Bakime kanji.

⁸ Fhe Bakime nduara, ana guigira ndavar harigi gumgi ga ndii tivar niingge ma. Maan muunjiap, guma guigira won ndavar harigi gumgi ga ndii fhu, ana vhira Fhe Bakime kanji fhu.

⁹ Fhe Bakime, ana Kama bavira ki, ana mba Kama bavira, ana ana sarigim, ana kha nuianan zergi. Nza anan panan zazera mbara muunjiap ki biingbiing ndirga. Fhe Bakime mba tivar nza muunjiap, ana khuen nza khivigi, ana guigira won ndavar nza niinggi.

¹⁰ Guma guigira won ndavar harigi gumgi ga ndii tiv, ana Fhe Bakimen tiv ma. Nza khuen

4:6 Zo 8.47; 10.27; 14.17; 1 Ko 14.37; 2 Ko 10.7 **4:7** 1 Zo 2.29; 3.10-11; 3.23 **4:8** 1 Zo 2.4; 3.6; 4.16 **4:9** Zo 3.16; Ro 5.8; 8.32; 1 Zo 5.11 **4:10** Zo 15.16; Ro 5.8-10; Ta 3.4; 1 Zo 2.2

ndikndigi thari, nza fharav wari won ndavir Fhe Bakime niingi. Fhuvara! Fhe Bakime fharav guigira won ndavar nza niingi. Ana fharav guigira won ndavar nza niingi, maan muungiap, ana won Kama sarigim, ana nza muungi tivi mbatigi ga nzuav rimin zav kha nuianan zergi. Ana zerav, rimgiap, nza muungim, nza Fhe Bakime phorgap ndava bavira ki.

¹¹ Nde nan kivntogi Fhe Bakime khuen nza khivav, mba tiva muungi. Ana guigira won ndavar nza niingi. Maan muungiap, nza vhora bevbevira, nza guigira warir won ndavir wari niinri.

¹² Nza guma the Fhe Bakime gangi fhuvara. Nza guigira wari won ndavir warir niinga, Fhe Bakime nza phorga ki. Fhe Bakime nza phorga ki, ana ndavar harigi gumgi ga ndii tiv, ana khan tigip havhargip nza ndavi vherir kirga.

¹³ Nza ram muungip khuen kangirie, Fhe Bakime nza phorga kim, nza ana phorga ki? Nza ne kangi, ne khan muungi, ana won Nina Naarar nza niingi.

¹⁴ Nza Fhe Bakime muungi bigen gangi gumgi, nza ntige mba bigen bun nzuai. Ana taagia kha nuianan ki gumgi gu mbigi ndir zav won Kama sarigim, ana kha nuianan zergi.

¹⁵ Guma the maan muungip khan suanga, “Zisas, ana Fhe Bakimen Kam ma.” Maan nzuai guma, Fhe Bakime ana phorga kim, ana Fhe Bakime phorga ki. b

4:11 Mt 18.33; Zo 15.12-13; 1 Zo 3.16 **4:12** Zo 1.18; 1 T 6.16; 1 Zo 2.5-6; 4.18-20 **4:13** Zo 14.20; 2 Ko 1.22; 1 Zo 3.24 **4:14** Zo 1.14; 3.17; 1 Zo 1.1-2 **4:15** Ro 10.9; 1 Zo 5.1; 5.5 **b 4:15** Ndu 1 Zon 4.2 ki kamen ganiri.

16 Nza maan muunjiap ne kothigap, havhargi, Fhe Bakime guigira won ndavar nza niingim, anan tiv guigira nza phorga ki.

Fhe Bakime nduara guigira won ndavar harigi ntiri ga ndii tiva niinge ma. Guma guigira won ndavar harigi ntiri ga ndii tiva zin vov, ana Fhe Bakime phorga kim, Fhe Bakime ana phorga ki.

17 Nza khuen kothigi, Fhe Bakime guigira won ndavar gumgi gu mbigi ga ndiv, guigira nza vuzvugi. Maan muunjiap, mba tiv vira guigira havhargip nzan ki. Nza zumgum Fhe Bakime kha nuianan ki gumgi mbui tivi ga suanv mbe suanga tugar, nza Fhe Bakime niman rivirga fhu. Nza guigira kha nuianan ki. Nza anan kav, nza Kraisi ki kiri tivara muunjiap wari ki. Nza maan muunjiap rivi fhu.

18 Fhe Bakime guigira won ndavar nza niingiap, nza vuzvugi. Nza ne kothigap, nza rivi fhu. Guma maan muunjiap Fhe Bakime guigira wo ndavar gumgi ga ndii tiv guigira havhargip, ana kirga, mba tiv mba rivi tiva vhararim, ana sarga. Guma rivi, ne niien khan muunji. Guma ana wo kanji, ana zumgum vheza mbatiga ndirga. Mba ndikndik ana muunjim, ana rivgi. Maan muunjiap, guma the rivirga, nza kanji, mba guma Fhe Bakime guigira won ndavar gumgi ga ndii tiv guigira havhargiap, mba guman ki fhuvara.

19 Nza guigira wari won ndavi harigi gumgi ga ndii, ne khan muunji, Fhe Bakime fharav won ndavar nza niingi.

20 Maan muungip, guma the khan suanga, “Gu guigira won ndavar Fhe Bakime ga niingi.” Ana maan suanjv, ana guigira won ndavar guigira Zisas kothigi guma gu mbiga the ndii fhu, mba guma, ana bigi guiguigi guma ma. Guma the Fhe Bakime gangi fhu. Maan muungip, guma the kha won rimanin gari gumgi gu mbigi, ana won ndavar mbe ndii fhu, ana ram muungip, won rimanin gangi fhup Fhe Bakime, ana guigira won ndavar ana niingirie?

21 Nza Fhe Bakime han ndigi tiv khan nzuai, guma guigira won ndavar Fhe Bakime niingi, ana vhira guigira won ndavar guigira Zisas kothigi gumgi gu mbigi niingri.

5

Guigira Zisas kothigap ana zin vui gumgi gu mbigi, mbe kha nuianan njkasjka, mbe ana daangia mbur khingi.

¹ Fhe Bakime taagip wo gumgi gu mbigi ndir zav suangiap sarigi guma Zisas, guigira ana kothigi gumgi, mbe Fhe Bakimen tari ma. Mba guigira wari won ndavir ndia bavira niingi gumgi, mbe vhira guigira wari won ndavir anan tari ga ndii.
a

² Nza maan muungip guigira wari won ndavir Fhe Bakime ga niingiap, ana nzuai tivi zin vui. Nza nta zin vov, nza kangi, nza vhira guigira wari won ndavir anan tari ga ndii.

4:20 1 Zo 2.4; 3.17; 4.12 4:21 Mt 5.44-45; Mk 12.29-31; Zo 13.34; 15.12; 1 Zo 3.23 5:1 Zo 1.12-13; 15.23; 1 Zo 2.22-23; 4.15 a 5:1 Ndu 1 Zon 2.22 gu 4.2 ki kamej ganiri.

³ Nza guigira warir won ndavir Fhe Bakime ga ndiivi tiv khañ muunji, nza ana suanji tivi zin vuim, ana suanji tivi simgi fhuvara.

⁴ Fhe Bakimen tari ga gega ki gumgi, mbe za kha nuiana tivi mbatigi ñkasñka, mbe nta daasui. Nza guigira Fhe Bakime khotivi tiv, mba tiv nza kha nuiana tivi mbatigi ñkasñka phorga shogav, nza nta daasui.

Fhe Bakime thugara phirgiap won Kama bun suanji.

⁵ The kha nuiana tivi mbatigi ñkasñka daangia mbur khingi? Guma khuenj khotigi, Zisas Kraiss, ana Fhe Bakime Kam ma, mba guma, ana kha nuiana tivi mbatigi ñkasñka daangia mbur khingi.

b

⁶ Kha guma Zisas Kraiss, ana mbi ruav, ana vhira ringip, wo vizina siv khanararenj ga sur zav zergi. Ana mbira ruar zav zergi fhuvara. Ana mbi ruav, ana vhira ringip, wo vizina sisur zav zergi. Fhe Bakime Nina Naar ana buni guari niñge ma, ana Zisas muunji bigi bun nza nzuai. c

⁷ Kha bigina phuni khegene ana bun nzuai.

⁸ Mba bigina phuni khegene khare, Fhe Bakimen Nina Naar, mbi gum vizin. Mba bigina

5:3 Mai 6.8; Mt 11.30; Zo 14.15; 14.21-24; 2 Zo 1.6 **5:4** Zo 16.33;
 1 Zo 3.9; 4.4 **5:5** Ro 8.37; 1 Ko 15.57; 1 Zo 4.4; 4.15 **b** **5:5** Ndu
 1 Zon 4.2 ganiri. **5:6** Zo 1.29; 1.34; 14.17; 16.13; 19.34; 1 T 3.16;
 1 Zo 1.7 **c** **5:6** Kha Grikar kaman suanji kamenj, ne tuituigiap
 higi fhuvara. Ana mbi gu vizinara suanji. Mbe gumgi vhirve kha
 ndikindiga mbui. Mbi, ana Zisas Fhe Bakime zin panan ruagi ne
 nzuai. Vizin, ana Zisas rilinga ne nzuai. **5:7** Zo 1.1; 10.30; VB
 19.13 **5:8** Zo 15.26

phuni khegene mbe wari tígira mba bigina bavira bun nzuai.

⁹ Nza gumgi nzuai buni, nza nta kothigi, nta maan muungi. Fhe Bakime nzuai bunen, ne guigira gumgi nzuai buni kamarigi. Khe Fhe Bakime nduara won Kama bun suangi.

¹⁰ Guma guigira Fhe Bakime Kama kothigi, ana Fhe Bakime suangi bunen, ana ne ndigi, ne ana ndava vhen ki. Guma Fhe Bakime nzuai bunen kothigi fhu, mba guma ana khan Fhe Bakime nzuai, ana bigi guiguigi guma ma. Ana maan nzuav, ana Fhe Bakime won Kama bun nzuaim, ana ana kothigi fhu.

¹¹ Fhe Bakime won Kama bun nzuai, ne khan muungi, Fhe Bakime zazera mbara muungip kirga biibii nza niingi. Anan Kam, ana mba biibii niinge ma.

¹² Guma Fhe Bakimen Kama phorga ki, mba guma ana mba biibii ndigi. Guma Fhe Bakimen Kama phorga ki fhu, mba guma mba biibii ki fhu.

Nza khuen kangi, nza zazera mbara muungiap ki biibii ndigi.

¹³ Gu kha buni kherav, nde guigira Fhe Bakime Kama kothigi gumgi gu mbigi, gu nde ndi mbai. Nde khuen kangirga, nde zazera mbara muungiap ki biibii ndigi.

¹⁴ Nza maan muungip Fhe Bakime vuzvuk zin ngip, nza maan muungip, bigin the suanj ana

5:9 Mt 3.16-17; 17.5; Zo 5.32-37; 8.17-18 **5:10** Zo 3.33; 5.38; Ro 8.16; Ga 4.6 **5:11** Zo 3.36 **5:12** Zo 3.36; 5.24 **5:13** Zo 20.31; 1 Zo 1.1-2 **5:14** Zo 14.13; 16.23; 1 Zo 3.21-22

phorgi suan anan nzanga, ana nza nzai nzam-barenj mbarararga. Nza maanj muunga, nza Fhe Bakimen rivgirga fhu, nza ana han vui.

¹⁵ Maanj muungiap, nza kanji, nza nzai nzam-bari, ana za nta mbararagi. Nza guigira kanji, nza anan nzai bigi, ana guigira ntan nza ndiii.

¹⁶ Nza maanj muungip guigira Zisas kothigi guma the ganirim, ana tiva mbatiga thuenj muungirga. Mba tiva mbatigenj za ana tuma farfagirga fhuvara. Nza maanj muungip ana gangip, nza ana suanjv Fhe Bakime phorgi suanjrim, Fhe Bakime taagip ana ndigip zazera mbara muungiap ki biinjbiin anan niinga. Gu khanj muungi tiva mbatigenj ga nzuai. Mba tiva mbatigenj za mba guman tuma farfagirga fhu, gu mba khesharigi tiva mbatiga nzuai. Za guman tuman farfagi tiva mbatigenj ki. Gu mba tiva mbatigenj ga mbui gumgi ga suanjv, Fhe Bakime phorgi suan zav nde nzuai fhuvara. d

¹⁷ Nza kha mbui tivi mbatigi, nta za tivi mbatigi ma. Guma tuma shogim, ana za vhezzi fhuv tivi mbatigi vhira ki.

¹⁸ Nza khuenj kanji, Fhe Bakimen tari, mbe tivi mbatigi ga mbui tivi zin vui fhu. Fhuvara. Zisas ana gari, Satan won farver ana khingirga tuktigi fhuvara.

5:16 Mt 12.31-32; Ru 12.10; Hi 6.4-6; Ze 5.14-15 **d 5:16** Kha buna niienj tuituigiap higi fhuvara. Gumgi mbari kha ndikndiga mbui, ana gumgi guigira vhezir zav nzuai. Gumgi mbari kha ndikndiga mbui, ana wom phenatitigav vhezirga ne nzuai. Ndu Vhagi Buni Ki buni Gap 2.11 gu 20.14 ganiri. Mba kamej, mbe ne dorga khanj nzuai, “Rimgirga”, ne khanj nzuai “Vhezigip Herar ngirgip, za fhingirigirga.” **5:18** Zo 17.15; Ze 1.27; 1 Pi 1.23; 1 Zo 3.9

19 Nza khuenj kanji, nza Fhe Bakimen tari ma. Nza Fhe Bakimen tari kim, kha nuian, ana za Satan ana gari, ana Satanan njkasjka piin ki.

20 Nza kanji, Fhe Bakimen Kam, ana kha nuianan zergi. Ana zergap, ndikndigar nza ndiii, nza guigira Fhe Bakime kanji, ana guigira Fhe Bakime ma. Nza Fhe Bakime guara phorgip, vhira ana Kam Zisas Kraiss, nza vhira ana phorgirga. Zisas Kraiss, ana vhira Fhe Bakime ma. Ana zazera mbara muungiap ki bijnbiinj nninge ma.

21 Nde nan tari, nde tori gu mbarivi ana rotu mbui, nde mba khesharigi bigi, nde nta han maanj thari. Nde nta thav, samra kiri. e

5:19 Ro 8.10; 8.23; Ga 1.4; 1 Zo 4.6 **5:20** Ais 9.6; Mt 25.46; Zo 17.3; 1 T 3.16; Hi 1.8 **5:21** 1 Ko 10.14 **e 5:21** Nza Fhe Bakime buni vhuuij ki gavar kha kamenj ganinga. Mba kamenj, khare. Mbarivi gu tori rotu mbui. Mba kamenj, ne za kha nuianan ki tivi mbatigi vharigi kamenj ma. Mba kamenj ne guigira bigina mbatigenj ma. Maanj muungiap, Zon khanj ne nzuai. Ne khanj muungij, mba tiv, ana guigira tiva mbatigenj ma. Guma the maanj muungij, tiva mbatiga thuenj suirav, nen muunjv, guigira won ndavara ne nningirga, mba tiv ana gari. Ne khanj muungij, mba tiv anan mbarivi gu tori fara muungij. Ana mba tiva rotu mbui.

Fhe Bakimen Kaman Kamen Kire New Testament

copyright © 2001-2004 Pioneer Bible Translators

Language: Kire

Translation by: Pioneer Bible Translators

Fhe Bakimen Kaman Kamen in the Kire Language

This translation was produced by Pioneer Bible Translators, and was published in 2001 by the Bible Society of Papua New Guinea.

If you are interested in obtaining a printed copy, please contact the Pioneer Bible Translators at www.pioneerbible.org

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2025-05-02

PDF generated using Haiola and XeLaTeX on 2 May 2025 from source files dated 2 May 2025

bfb792d-a7df-5425-8e30-1e4968f04468